



Owain Gethin Davies
Cadeirydd
Adnodd Cyfyngedig

Gethin.Davies@adnodd.llyw.cymru
Emyr.George@adnodd.llyw.cymru

7 Mehefin 2024

Annwyl Gethin,

Â Senedd Cymru bellach wedi cymeradwyo'r Gyllideb Derfynol ar gyfer 2024-2025, mae'n bleser gennyf ddarparu manylion eich trefniadau cyllid.

Ar gyfer blwyddyn ariannol 2024-25, gallaf gadarnhau mai cyfanswm arian parod Cymorth Grant Adnodd fydd £1,630,338. Derbyniodd Adnodd gyllideb dangosol o £2,070,000 ar gyfer 2024-25. Yn dilyn trafodaethau rhwng Adnodd a'r Tîm Partneriaeth yn cytuno na fydd grantiau a chytundebau presennol Llywodraeth Cymru yn trosglwyddo yn syth i Adnodd, ond yn hytrach dros gyfnod o amser, bydd peth arian yn aros gyda Llywodraeth Cymru i wneud y taliadau hyn.

Fel arfer, bydd y gyllideb adnoddau a'r Cymorth Grant arian parod yn wahanol. Gan fod Adnodd yn dal i fod yn ei ddyddiau cynnar, nid yw'r wybodaeth sydd ei hangen i rannu'r angen ariannol o'r gyllideb adnoddau ar gael eto. Felly, yn unol â threfniant ariannu 2023-24, mae'r dyfarniad ariannu cychwynnol yn seiliedig ar y Cymorth Grant arian parod yn unig. Wrth i'r wybodaeth hon ddod ar gael yn ystod y flwyddyn, bydd y dyfarniad ariannu yn cael ei rannu rhwng y gyllideb adnoddau a'r Cymorth Grant arian parod mewn unrhyw llythyrau ariannu dilynol.

Mae grŵp strategol o Ddirprwy Gyfarwyddwyr wedi ei sefydlu o fewn y Grŵp Addysg, Diwylliant a'r Gymraeg i weithio gyda a chefnogi Adnodd i gyrraedd ei nod o sicrhau adnoddau addysgol dwyieithog i gefnogi'r Cwricwlwm i Gymru a'i gymwysterau. Gall hyn arwain at ryddhau arian ychwanegol i Adnodd yn ystod y flwyddyn ariannol hon. Cytunir ar unrhyw arian ychwanegol drwy'r Tîm Partneriaeth a'i gadarnhau mewn llythyrau ariannu dilynol.

Telerau ac Amodau'r Cyllid

Mae'n ddisgwyliedig bod defnydd Adnodd o'r arian a ddyrannwyd iddynt ar gyfer 2024-25 yn cyd-fynd â'r blaenoriaethau strategol ar gyfer 2023-26 fel ag yr amlinellwyd yn y [llythyr cylch gwaith](#).

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Lynne.Neagle@llyw.cymru
Correspondence.Lynne.Neagle@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Fel y trafodwyd gyda'r Tîm Partneriaeth, dylai Adnodd ffocysu ar yr amcanion penodol isod yn 2024-25 o fewn y blaenoriaethau strategol ehangach y cytunwyd arnynt.

1. Datblygu Amcanion Corfforaethol Adnodd

- Sicrhau bod gan Adnodd y capasiti a'r gallu angenrheidiol yng nghyd-destun llywodraethiant corfforaethol a gwasanaethau
- Recriwtio a phenodi tîm parhaol o staff
- Cefnogi staff newydd yn llwyddiannus gyda chynefino a hyfforddiant, a darparu'r adnoddau sydd eu hangen arnynt i weithio o bell, yn cynnwys offer TGCh
- Datblygu, lansio a chynnal gwefan gorfforaethol i Adnodd.

2. Sicrhau bod adnoddau perthnasol ac amserol a deunyddiau ategol ar gael yn Gymraeg a'r Saesneg, ar yr un pryd, i gefnogi'r Cwricwlwm i Gymru a'i gymwysterau

- Datblygu a defnyddio model comisiynu cychwynnol i dargedu blaenoriaethau cynnar y cytunwyd arnynt gan Lywodraeth Cymru
- Derbyn contractau a grantiau presennol y dyfarnwyd gan Lywodraeth Cymru, a rheoli'r berthynas â pherchnogion y contractau/grantiau hyd nes iddynt ddod i ben (gweler Amserlen Trosglwyddo a Thaliadau)
- Gweithio gyda Llywodraeth Cymru, CBAC, a rhanddeiliaid allweddol eraill i adnabod a chomisiynu'r adnoddau sydd eu hangen ar gyfer y cymwysterau TGAU newydd.

3. Darparu fframwaith sicrhau ansawdd ar gyfer comisiynu, datblygu a chynhyrchu adnoddau, gan sicrhau bod yr adnoddau a ddatblygwyd yn cydfynd ag ethos ac egwyddorion craidd Cwricwlwm i Gymru, ac yn addas i'r diben

- Gweithio gyda rhanddeiliaid i gyd-greu a threialu trefniadau arfaethedig ar gyfer sicrhau ansawdd fel eu bod yn:
 - i. Adlewyrchu canllawiau Llywodraeth Cymru (a gafodd datblygu ar y cyd a'u cyhoeddi yn 2022) ar gyfer dylunio a datblygu adnoddau a deunyddiau ategol
 - ii. Alinio â bwriadau'r Cwricwlwm i Gymru
 - iii. Cael eu hadolygu a'u cadw'n gyfamserol a pherthnasol.

4. Datblygu'r hyrwyddo, yr ymwybyddiaeth a'r defnydd effeithiol o adnoddau.

- Manylir ar amcanion penodol ar gyfer y flanoriaeth hon mewn llythyrau ariannu yn y dyfodol

5. Datblygu a buddsoddi mewn sgiliau a'r gallu i greu greu, rhannu a chyhoeddi adnoddau addysgol yng Nghymru


- Manylir ar amcanion penodol ar gyfer y flanoriaeth hon mewn llythyrau ariannu yn y dyfodol

Cynhelir cyfarfodydd rheolaidd rhwng Tîm Partneriaeth Llywodraeth Cymru a chydweithwyr Adnodd fel ag y nodir yn Nghytundeb Fframwaith Adnodd.

Dylid hawlio cyllid drwy ddefnyddio'r ddogfennaeth a ddarparwyd gan y Tîm Partneriaeth.

Edrychaf ymlaen at gydweithio ag Adnodd a dilyn eich cynnydd dros y flwyddyn i ddod.

Yn gywir,



Lynne Neagle AS/MS
Ysgrifennydd y Cabinet dros Addysg
Cabinet Secretary for Education